



ბრძანება:ბ14. 14260124

თარიღი:12/01/2026

ქალაქ ბათუმის მუნიციპალიტეტის 2026 წლის ბიუჯეტით გათვალისწინებული პროგრამის „სოციალური უზრუნველყოფა“, ქვეპროგრამის „მოწყვლადი სოციალური ჯგუფის ოჯახების მხარდაჭერა“ განხორციელებასთან დაკავშირებით გასატარებელი ღონისძიებების შესახებ

ქალაქ ბათუმის მუნიციპალიტეტის 2026 წლის ბიუჯეტით გათვალისწინებული პროგრამის „სოციალური უზრუნველყოფა“, ქვეპროგრამის „მოწყვლადი სოციალური ჯგუფის ოჯახების მხარდაჭერა“ (ღონისძიება „დღის ცენტრის მიერ გაწეული სერვისის ღირებულება“) განხორციელების მიზნით, საქართველოს ორგანული კანონის „ადგილობრივი თვითმმართველობის კოდექსი“ 54-ე მუხლის პირველი პუნქტის „ე.ე.“ ქვეპუნქტის და „ქალაქ ბათუმის მუნიციპალიტეტის 2026 წლის ბიუჯეტის დამტკიცების შესახებ“ ქალაქ ბათუმის მუნიციპალიტეტის საკრებულოს 2025 წლის 19 დეკემბრის №53 დადგენილების შესაბამისად,

გ ბ რ ძ ა ნ ე ბ :

1. დამტკიცდეს:

ა) ქალაქ ბათუმის მუნიციპალიტეტის მერიის განცხადება - „მოწყვლადი სოციალური ჯგუფის ოჯახების მხარდაჭერა“ (ღონისძიება „დღის ცენტრის მიერ გაწეული სერვისის ღირებულება“) ქვეპროგრამის შესრულებაში მონაწილეობის მსურველ პირთათვის, თანახმად დანართი 1-სა;

ბ) „მოწყვლადი სოციალური ჯგუფის ოჯახების მხარდაჭერა“ ქვეპროგრამის ფარგლებში ვაუჩერის გაცემისა და გამოყენების წესი, თანახმად დანართი 2-სა;

გ) სერვისის მიმწოდებელ ორგანიზაციასთან გასაფორმებელი ხელშეკრულების პროექტი, თანახმად დანართი 3-სა.

2. ქვეპროგრამის „მოწყვლადი სოციალური ჯგუფის ოჯახების მხარდაჭერა“ ფარგლებში გასაცემ ვაუჩერზე ქალაქ ბათუმის მუნიციპალიტეტის მერის სახელით ხელმოწერის უფლებამოსილება მიენიჭოს ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურის უფროსს.

3. „მოწყვლადი სოციალური ჯგუფის ოჯახების მხარდაჭერა“ ქვეპროგრამის

ფარგლებში სერვისის მიმწოდებელ დაწესებულებასთან გასაფორმებელ ხელშეკრულებაზე ქალაქ ბათუმის მუნიციპალიტეტის მერის სახელით ხელმოწერის უფლებამოსილება მიენიჭოს ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურის უფროსს.

4. ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურმა უზრუნველყოს „მოწყვლადი სოციალური ჯგუფის ოჯახების მხარდაჭერა“ ქვეპროგრამის ფარგლებში სერვისის მიმწოდებელ დაწესებულებასთან გაფორმებული ხელშეკრულების შენახვა და ამ ხელშეკრულების შესაბამისი სერვისის მიმწოდებელი დაწესებულებისათვის მიწოდება.

5. წინამდებარე ბრძანება გამოქვეყნდეს ქალაქ ბათუმის მუნიციპალიტეტის მერიის ინტერნეტგვერდზე (www.batumi.ge).

6. ბრძანება შეიძლება გასაჩივრდეს ბათუმის საქალაქო სასამართლოში (მის: ქ. ბათუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი თვის ვადაში.

7. ბრძანება ძალაშია ხელმოწერისთანავე.

გიორგი ცინცაძე

ქალაქ ბათუმის მუნიციპალიტეტის მერია-მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი



ქალაქ ბათუმის მუნიციპალიტეტის მერიის

გ ა ნ ც ხ ა დ ე ბ ა

**„მოწყვლადი სოციალური ჯგუფის ოჯახების მხარდაჭერა“
(ღონისძიება „დღის ცენტრის მიერ გაწეული სერვისის ღირებულება“)
ქვეპროგრამის შესრულებაში მონაწილეობის მსურველ პირთათვის**

ქალაქ ბათუმის მუნიციპალიტეტის მერია (მი: ქ. ბათუმი, ლ. ასათიანის ქ. №25) აცნობებს ყველა დაინტერესებულ პირს:

1. ქალაქ ბათუმის მუნიციპალიტეტის 2026 წლის ბიუჯეტით გათვალისწინებულია მოწყვლადი სოციალური ჯგუფის ოჯახების მხარდაჭერა.

2. „მოწყვლადი სოციალური ჯგუფის ოჯახების მხარდაჭერა“ ქვეპროგრამა გულისხმობს შაბათი-კვირა და უქმე დღეების გარდა მინიმუმ 6-საათიან დღიურ მომსახურებას, მათ შორის: ბენეფიციართა საჭიროებების (შემეცნებითი, ფიზიკური და ქცევით-ემოციური) დადგენას, შესაბამისი ინტერვენციების დაგეგმვა/განხორციელებას, რეფერირებას შესაბამის უწყებებში; ბენეფიციარების საყოფაცხოვრებო და პროფესიული უნარ-ჩვევების განვითარება/ხელშეწყობას; ბენეფიციართა კულტურულ და სპორტულ ღონისძიებებში ჩართვის უზრუნველყოფას; ბენეფიციარების დღის სწორად დაგეგმვას, ეფექტიანი კომუნიკაციის უნარების შესწავლას, გადაწყვეტილების მიღების პროცესში მონაწილეობის და კონფლიქტის არამალადობრივი გზით მოგვარების უნარ-ჩვევების სწავლებას; საჭიროების შემთხვევაში პირველადი სამედიცინო დახმარებისა და ფსიქოლოგიური მომსახურების ორგანიზებას.

ქვეპროგრამა გათვალისწინებულია 80 ბენეფიციარზე, ორჯერადი კვებით, რომელთაგან ერთ-ერთი უნდა იყოს სამკომპონენტო სადილი და ერთი საუზმე/სამხარი (მენიუ თან ერთვის).

დღის ცენტრი დაიყოფა ასაკობრივ ჯგუფებად 6-დან 12 წლამდე და 12-დან 16 წლამდე მოზარდები.

მომსახურება განხორციელდება მულტიდისციპლინარული გუნდის მიერ, რომელშიც შედიან პედაგოგი, ფსიქოლოგი, ქცევის თერაპევტი, პედაგოგის დამხმარე და სოციალური მუშაკი. მათ მიერ თითოეულ ბავშვზე შემუშავებული იქნება 6 თვიანი ინდივიდუალური განვითარების გეგმა, რომელიც 6 თვის შემდეგ გადაისინჯება.

ქვეპროგრამის ფარგლებში ასევე გათვალისწინებულია მშობელთა ჩართულობის ხელშეწყობა ბავშვის აღზრდის პროცესში, რაც გულისხმობს საჭიროების შემთხვევაში ფსიქოლოგიურ დახმარებასა და ადვოკატირებას

3. მომსახურების გაწევის ვადაა 2026 წლის იანვრიდან 2026 წლის 23 დეკემბრის ჩათვლით პერიოდი.

4. ქვეპროგრამის მოსარგებლეები არიან ქალაქ ბათუმში რეგისტრირებული მარტოხელა მშობლების, ძალადობის მსხვერპლი და რეინტეგრირებული ოჯახების, შშმ პირთა ოჯახების (ორივე ან ერთ-ერთი მშობელი არის შშმ პირი), ასევე იმ მოწყვლადი კატეგორიის ოჯახების ბავშვები, რომლებიც არ მონაწილეობენ სხვა პროგრამებში და რომლებიც რეგისტრირებული არიან ქალაქ ბათუმში, 2026 წლის 1 იანვრის მდგომარეობით.

5. ზემოაღნიშნულ ღონისძიებაში მონაწილეობის მსურველმა დაწესებულებებმა გთხოვთ,

მოგვმართოთ მისამართზე: ქ. ბათუმი, ორბელიანის ქ. №10, ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახური

7. დაინტერესებულმა პირებმა უნდა წარმოადგინონ შემდეგი დოკუმენტები:

ა) წერილობითი განაცხადი „მოწყვლადი სოციალური ჯგუფის ოჯახების მხარდაჭერა“ ქვეპროგრამის განხორციელებაში მონაწილეობის მიღების სურვილის თაობაზე;

ბ) მონაწილეობის მსურველი პირის რეკვიზიტები (მისამართი, ტელეფონის ნომერი, ფაქსი, საიდენტიფიკაციო კოდი, საბანკო რეკვიზიტები);

გ) პრეტენდენტს უნდა გააჩნდეს მუშაობის გამოცდილება ანალოგიური მომსახურების სფეროში არანაკლებ ორი წელი;

დ) პრეტენდენტმა უნდა წარმოადგინოს ანალოგიური ხასიათის, სირთულისა და შინაარსის მომსახურების დამადასტურებელი დოკუმენტები;

ე) ბენეფიციარმა მომსახურება უნდა მიიღოს დღის ცენტრში, რომელიც უნდა აკმაყოფილებდეს შემდეგ პირობებს:

- უნდა ჰქონდეს გამართული მატერიალურ-ტექნიკური ბაზა, სამზარეულო, შესაბამისი შენობა-ნაგებობა ქალაქ ბათუმის ტერიტორიაზე; ფართობი - არანაკლებ 150 კვმ-სა.

(პრეტენდენტმა უნდა წარმოადგინოს საკუთრების დამადასტურებელი დოკუმენტაციის / იჯარის შემთხვევაში - საიჯარო ხელშეკრულების ასლ(ებ)ი, / უზუფრუქტის შემთხვევაში უზუფრუქტის დამადასტურებელი დოკუმენტი). ინფორმაცია ტექნიკური შესაძლებლობის შესახებ მოწოდებული უნდა იქნეს ტექსტის სახით შესაბამისი ფოტო-სურათების, ნახაზების და ა.შ. თანდართვით. სპაციალისტთა გამოცდილების შესახებ უნდა იქნეს წარმოდგენილი შესაბამისი დოკუმენტაცია (განათლების დამადასტურებელი, გამოცდილების დამადასტურებელი, თრენინგები და ასე შემდეგ).

დაფინანსება უნდა განხორციელდეს ფაქტიური დღეების ხარჯზე, ერთი დღე - 18 ლარი.

**„მოწყვლადი სოციალური ჯგუფის ოჯახების მხარდაჭერა“ ქვეპროგრამის ფარგლებში
ვაუჩერის გაცემისა და გამოყენების წესი**

ბენეფიციარის წარმომადგენელი განცხადებით და თანმხლები დოკუმენტებით
მიმართავს ქალაქ ბათუმის მუნიციპალიტეტის მერიას.

საჭირო დოკუმენტების ჩამონათვალი:

- ა) ბენეფიციარისა და ბენეფიციარის მშობლის პირადობის მოწმობის ასლი;
- ბ) ბენეფიციარის ან ბენეფიციარის მშობლის შეზღუდული შესაძლებლობის სტატუსის
დამადასტურებელი ცნობის ასლი;
- გ) მარტოხელა მშობლის დამადასტურებელი დოკუმენტი;
- დ) ცნობა რეინტეგრირებული ოჯახის შესახებ;
- ე) დოკუმენტი მოწყვლადი კატეგორიის (სოციალურად დაუცველი ოჯახების სარე-
იტინგო ქულა, უდედმამო ბავშვის სტატუსი, შშმ პირის სტატუსი, მრავალშვილიანი ოჯახის
სტატუსი და სხვა).
- ვ) ამონაწერი სოციალურად დაუცველი ოჯახების მონაცემთა ერთიანი ბაზიდან
(არსებობის შემთხვევაში);
- ზ) მშობლის ან მისი წარმომადგენლის პირადობის მოწმობის ასლი;

ქვეპროგრამის ბენეფიციარის სრულყოფილი დოკუმენტაციის საფუძველზე გაიცემა
ვაუჩერი.

ქვეპროგრამის მოსარგებლეები არიან საქართველოს მოქალაქეები, რომლებიც რეგის-
ტრირებული არიან ქალაქ ბათუმში, 2026 წლის 1 იანვრის მდგომარეობით.

ბენეფიციარმა ან მისმა წარმომადგენელმა დადგენილი წესით უნდა მიიღოს ვაუჩერი
თვეში ერთჯერ.

ქვეპროგრამის ბენეფიციარს კურსი დაუფინანსდება ვაუჩერში მითითებული ფიქსირე-
ბული თანხით (18 ლარი ერთი დღე).

ხელშეკრულება

ქ. ბათუმი

____ 2026 წელი

1. ხელშეკრულების მხარეები

ერთის მხრივ ქალაქის ბათუმის მუნიციპალიტეტის აღმასრულებელი ორგანო (ტექსტში შემდგომში „შემსყიდველი“), წარმოდგენილი ქალაქ ბათუმის მუნიციპალიტეტის მერიის ჯანმრთელობისა და სოციალური დაცვის სამსახურის უფროსის _____ სახით, მოქმედი ქალაქ ბათუმის მუნიციპალიტეტის მერის 2026 წლის ____ იანვრის N _____ ბრძანების საფუძველზე, და მეორეს მხრივ _____ (საიდენტიფიკაციო კოდი/პირადი ნომერი _____, ტექსტში შემდგომში „მიმწოდებელი“), ვდებთ წინამდებარე ხელშეკრულებას (შემდგომში „ხელშეკრულება“), რომლითაც განსაზღვრულია მხარეთა უფლებები და ვალდებულებები.

2. ხელშეკრულების სამართლებრივი საფუძვლები

2.1 ხელშეკრულების სამართლებრივ საფუძვლებს წარმოადგენს: საქართველოს ორგანული კანონი „ადგილობრივი თვითმმართველობის კოდექსი“, საქართველოს სამოქალაქო კოდექსი, „ქალაქ ბათუმის მუნიციპალიტეტის 2026 წლის ბიუჯეტის დამტკიცების შესახებ“ ქალაქ ბათუმის მუნიციპალიტეტის საკრებულოს 2025 წლის 19 დეკემბრის №53 დადგენილება; „ქალაქ ბათუმის მუნიციპალიტეტის 2026 წლის ბიუჯეტით გათვალისწინებული პროგრამის „სოციალური უზრუნველყოფა“, ქვეპროგრამის „მოწყვლადი სოციალური ჯგუფის ოჯახების მხარდაჭერა“ განხორციელებასთან დაკავშირებით გასატარებელი ღონისძიებების შესახებ“ ქალაქ ბათუმის მუნიციპალიტეტის მერის 2026 წლის ____ იანვრის N _____ ბრძანება.

2.2 მოწყვლადი სოციალური ჯგუფის მქონე ოჯახების ბავშვთა სოციალური და სასიცოცხლო უნარ-ჩვევების გაძლიერების, ქუჩაში გატარებული დროის მაქსიმალურად შემცირების, ამავე კატეგორიის ოჯახების მშობელთა ხელშეწყობის მიზნით, ქალაქ ბათუმის მუნიციპალიტეტის 2026 წლის ბიუჯეტით გათვალისწინებული პროგრამა „სოციალური უზრუნველყოფა“, ქვეპროგრამა „მოწყვლადი სოციალური ოჯახების მხარდაჭერა“, რომლის ფარგლებში ქ. ბათუმში, 2026 წლის 01 იანვრის მდგომარეობით რეგისტრირებული მარტოხელა მშობლების, ძალადობის მსხვერპლი და რეინტეგრირებული ოჯახების, შშმ პირთა ოჯახების (ორივე ან ერთ-ერთი მშობელი არის შშმ პირი), ასევე, იმ მოწყვლადი კატეგორიის ოჯახების ბავშვები (შემდგომში „ბენეფიციარები“), რომლებიც არ მონაწილეობენ სხვა პროგრამებში, იღებენ წინამდებარე ხელშეკრულებით გათვალისწინებულ მომსახურებას.

3. ხელშეკრულების საგანი

3.1 წინამდებარე ხელშეკრულების საგანია შემსყიდველსა და მიმწოდებელს შორის ამ ხელშეკრულებით გათვალისწინებული ურთიერთობის მოწესრიგება.

3.2 ამ ხელშეკრულების საფუძველზე მიმწოდებელი ახორციელებს წინამდებარე ხელშეკრულებით განსაზღვრული პირებისთვის (ბენეფიციარი) ვაუჩერის საფუძველზე მომსახურების გაწევას წინამდებარე ხელშეკრულებით დადგენილი წესით.

შემსყიდველი:

მიმწოდებელი:

4. ძირითადი დებულებები

4.1. მიმწოდებელი ვალდებულია, ქალაქ ბათუმის მუნიციპალიტეტის 2026 წლის ბიუჯეტით გათვალისწინებული პროგრამის „სოციალური უზრუნველყოფა“, „მოწყვლადი სოციალური ჯგუფის ოჯახების მხარდაჭერა“ ქვეპროგრამაში ჩართულ ბენეფიციარებს გაუწიოს, შაბათი - კვირა და უქმე დღეების გარდა, მინიმუმ 6 საათიანი დღიური მომსახურება.

4.2. 4.1 პუნქტით გათვალისწინებული მომსახურება, უნდა მოიცავდეს შემდეგ კომპონენტებს:

- ა) ბენეფიციართა საჭიროებების (შემცენებითი, ფიზიკური და ქცევით-ემოციური) დადგენა;
- ბ) შესაბამისი ინტერვენციების დაგეგმვა/განხორციელება, რეფერირებას შესაბამის უწყებებში;
- გ) ბენეფიციარების საყოფაცხოვრებო და პროფესიული უნარ-ჩვევების განვითარება/ხელშეწყობა;
- დ) ბენეფიციართა კულტურულ და სპორტულ ღონისძიებებში ჩართვის უზრუნველყოფა;
- ე) ბენეფიციარების დღის სწორად დაგეგმვა, ეფექტიანი კომუნიკაციის უნარების შესწავლა, გადაწყვეტილების მიღების პროცესში მონაწილეობის და კონფლიქტის არაძალადობრივი გზით მოგვარების უნარ-ჩვევების სწავლება;
- ვ) საჭიროების შემთხვევაში პირველადი სამედიცინო დახმარებისა და ფსიქოლოგიური მომსახურების ორგანიზება.

- ზ) მომსახურება განხორციელდება მულტიდისციპლინარული გუნდის მიერ, რომელშიც შედიან: პედაგოგი, ფსიქოლოგი, ქცევის თერაპევტი, პედაგოგის დამხმარე და სოციალური მუშაკი;
- თ) თითოეულ ბავშვზე შემუშავებული უნდა იქნეს 6 თვიანი ინდივიდუალური განვითარების გეგმა, რომელიც 6 თვის შემდეგ გადაისინჯება;
- ი) მშობელთა ჩართულობის ხელშეწყობა, ბავშვის აღზრდის პროცესში, რაც გულისხმობს საჭიროების შემთხვევაში ფსიქოლოგიურ დახმარებას და ადვოკატირებას.

4.3. ბენეფიციარმა მომსახურება უნდა მიიღოს დღის ცენტრში, რომელიც უნდა აკმაყოფილებდეს შემდეგ პირობებს:

- ა) ორჯერადი კვება, რომელთაგან ერთ-ერთი უნდა იყოს სამკომპონენტო სადილი და ერთი საუზმე/სამზარი;
- ბ) ბენეფიციართა რაოდენობა არაუმეტეს 80;
- გ) ფართობი საშუალოდ 3 კვ.მ (ერთი პირის შემთხვევაში);
- დ) დღის ცენტრი უნდა დაიყოს ასაკობრივ ჯგუფებად: 6-დან 12 წლამდე და 12-დან 16 წლამდე მოზარდები;
- ე) დღის ცენტრს უნდა გააჩნდეს შესაბამისი შენობა-ნაგებობა ქალაქ ბათუმის მუნიციპალიტეტის ტერიტორიაზე (პრეტენდენტმა უნდა წარმოადგინოს საკუთრების დამადასტურებელი დოკუმენტაციის/იჯარის შემთხვევაში - საიჯარო ხელშეკრულების ასლ(ებ)ი, /უზუფრუქტის შემთხვევაში უზუფრუქტის დამადასტურებელი დოკუმენტი). ინფორმაცია ტექნიკური შესაძლებლობის შესახებ მოწოდებული უნდა იქნეს ტექსტის სახით, შესაბამისი ფოტო-სურათების, ნახაზების და ა.შ. თანდართვით), სამზარეულო; გამართული მატერიალურ-ტექნიკური ბაზა.

4.4. შემსყიდველი უფლებამოსილია, ინდივიდუალურ ადმინისტრაციულ-სამართლებრივი აქტით მიანიჭოს უფლებამოსილება ქალაქ ბათუმის მუნიციპალიტეტის მერიის თანამშრომელს ან სხვა პირს, რომელიც ახორციელებს ზედამხედველობას მომსახურების მიწოდებაზე.

5. მომსახურების გაწევის ვადა და საფასური

5.1. მიმწოდებელი ვალდებულია, ბენეფიციარის საჭიროებიდან გამომდინარე, უზრუნველყოს ამ ხელშეკრულებით გათვალისწინებული მომსახურების გაწევა 2026 წლის იანვრიდან 2026 წლის 23 დეკემბრის ჩათვლით.

5.2. შემსყიდველი ბენეფიციარისთვის გაწეული მომსახურების სანაცვლოდ იხდის 18 (თვრამეტი) ლარს.

შემსყიდველი:

მიმწოდებელი:

5.3. საფასურის ანაზღაურება ხორციელდება მიმწოდებლის მიერ ვაუჩერის წარმოდგენის საფუძველზე, 5.2 პუნქტით დადგენილი წესით.

6. ხელშეკრულების შესრულების კონტროლი

6.1. შემსყიდველს უფლება აქვს ხელშეკრულების შესრულების ნებისმიერ ეტაპზე განახორციელოს მიმწოდებლის მიერ ნაკისრი ვალდებულებების შესრულების კონტროლი მიმწოდებლის წინასწარ ინფორმირების შემდგომ და მოახდინოს ქვეპროგრამის ფარგლებში მიმწოდებლის მიერ ასანაზღაურებლად მოთხოვნილი თანხის სისწორის ინსპექტირება. ხელშეკრულების შესრულების კონტროლს/ინსპექტირებას და მიღება-ჩაბარების აქტზე ხელმოწერას განახორციელებს ქალაქ ბათუმის მუნიციპალიტეტის მერიის ჯანმრთელობის და სოციალური დაცვის სამსახურის სოციალური დაცვის პროგრამების მართვის განყოფილების მესამე კატეგორიის უფროსი სპეციალისტი ზინა ბერიძე, ხოლო მისი არ ყოფნის (შვებულება, დროებითი შრომისუუნარობა და სხვა) შემთხვევაში - ქალაქ ბათუმის მუნიციპალიტეტის მერიის ჯანმრთელობის და სოციალური დაცვის სამსახურის, სოციალური დაცვის პროგრამების მართვის განყოფილების უფროსი ირმა წილოსანი.

6.2. ინსპექტირების შედეგებზე დგება აქტი, რომელსაც ხელს აწერენ შემსყიდველის და მიმწოდებლის უფლებამოსილი პირები.

7. მიღება-ჩაბარების წესი

7.1. შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

7.2. მიღება-ჩაბარების აქტის გაფორმებისათვის შემსყიდველს მომსახურეობის შესრულებიდან არა უმეტეს 10 (ათი) სამუშაო დღისა უნდა წარედგინოს ანგარიშ-ფაქტურა/ინვოისი.

7.3. წარმოდგენილი ინფორმაციის სისწორეზე პასუხისმგებლობა ეკისრება მიმწოდებელს.

7.4. შესყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

8. ანგარიშსწორება

8.1. ანგარიშსწორება განხორციელდება უნაღდო ანგარიშსწორების ფორმით მიმწოდებლის მიერ წარმოდგენილ საბანკო ანგარიშზე, მიღება-ჩაბარების აქტის საფუძველზე.

8.2. მიღება-ჩაბარების აქტის გაფორმებიდან 10 სამუშაო დღის განმავლობაში შემსყიდველი ვალდებულია განახორციელოს შესაბამისი ანაზღაურება.

8.3. ანგარიშსწორება მიმწოდებელთან განხორციელდება წინამდებარე ხელშეკრულების პირობებით.

9. ხელშეკრულების პირობების შეუსრულებლობა

9.1 მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს დაეკისრება პირგასამტეხლო, ყოველ ასეთ შემთხვევაზე 100 ლარის ოდენობით.

9.2 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.3 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ფაქტობრივად გაწეული მომსახურების ღირებულების 5%-ის ოდენობით.

შემსყიდველი:

მიმწოდებელი:

9.4 შემსყიდველი უფლებამოსილია წინამდებარე პუნქტით გათვალისწინებული პირგასამტეხლო გაუქვითოს მიმწოდებელს სახელშეკრულებო ანაზღაურება.

10. სხვა პირობები

10.1. ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან რეპუტაციას და ღირსებას.

10.2. მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

10.3. მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა.შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისად ფაქტების დადასტურება.

10.4. კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.

10.5. წინამდებარე ხელშეკრულება შედგენილია ორ ეგზემპლარად ქართულ ენაზე, რომელთაგან თითოეულს გააჩნია თანაბარი იურიდიული ძალა და ინახება შემსყიდველთან და მიმწოდებელთან.

10.6. წინამდებარე ხელშეკრულების ყველა ცვლილება და დამატება ძალაშია მხოლოდ იმ შემთხვევაში, თუ ისინი შეტანილია წერილობითი სახით და ხელმოწერილია ორივე მხარის სრულუფლებიანი წარმომადგენლის მიერ.

10.7. მიმწოდებელი ადასტურებს, რომ გაეცნო, ქალაქ ბათუმის მუნიციპალიტეტის მერის 2026 წლის ____ იანვრის N_____ ბრძანებას, ეთანხმება ხელშეკრულების შინაარსს და სრული ნებაყოფლობის საფუძველზე ხელს აწერს წინამდებარე ხელშეკრულებას.

11. მხარეთა ხელმოწერები და რეკვიზიტები:

„შემსყიდველი“

ქალაქ ბათუმის მუნიციპალიტეტის

აღმასრულებელ ორგანო,

ქალაქ ბათუმის მუნიციპალიტეტის

მერიის ჯანმრთელობისა და სოციალური

დაცვის სამსახურის უფროსი

/ _____ // _____ /
(ხელმოწერა) (სახელი, გვარი)

„მიმწოდებელი“

(სახელი, გვარი/სახელწოდება, საიდენტიფიკაციო კოდი/პირადი ნომერი)

წარმომადგენელი:

/ _____ // _____ /
(ხელმოწერა) (სახელი, გვარი)

შემსყიდველი:

მიმწოდებელი:

კვების მენიუ

ორშაბათი		
საუზმე	ჩაი და კარაქიანი პური/ფაფა	20/200/250
სადილი	ბოსტნეულის წვნიანი	350 მგ
	წიწიბურა/სოსისი	150/250გრ
	პური	300გრ
	ხილის ასორტი	100გრ
	ხილის კომპოტი	250 მლ
სამხარი	კარტოფილის ღვეზელი კომპოტი	80/250
სამშაბათი		
საუზმე	ჩაი და კარაქიანი პური/ფაფა	20/200/250
სადილი	ბორში	350 გრ
	შემწვარი ქათამი ბრინჯით	150/250 გრ
	პური	300 გრ
	ხილის ასორტი	100 გრ
	ხილის კომპოტი	250 მლ
სამხარი	ფუნთუშა მაწვნით	100/200
ოთხშაბათი		
საუზმე	ჩაი და კარაქიანი პური/ფაფა	20/200/250
სადილი	ლობოს წვნიანი	350 გრ
	ხორცის კატლეტი პიურეთი	150/250 გრ
	პური	300 გრ
	ხილის ასორტი	100გრ
	ხილის კომპოტი	250 მლ
სამხარი	ფუნთუშა ხაჭო არაჟნით	100/50/50

ხუთშაბათი		
საუზმე	ჩაი და კარაქიანი პური/ფაფა	20/200/250
სადილი	ვერმიშელის წვნიანი	350 გრ
	შემწვარი ქათამი ბრინჯით	150/250 გრ
	პური	300 გრ
	ხილის ასორტი	100 გრ
	ხილის კომპოტი	250 მლ
სამხარი	ფუნთუშა /ხილი/კომპოტი	100/100/250
პარასკევი		
საუზმე	ჩაი და კარაქიანი პური/ფაფა	20/200/250
სადილი	ბოსტნეულის წვნიანი	350 გრ
	მაკარონი ხორცით	250 გრ
	პური	300 გრ
	ხილის ასორტი	100 გრ
	ხილის კომპოტი	250 მლ
სამხარი	ორცხოზილა/ხილი/კომპოტი	100/100/250